



Մ Ա Յ Ր Ա Թ Ո Ւ Ո Ւ Մ

Փետրվարի 1-ին, ուրբաթ.—Այսօր, ժամը 12-ին, Մայր Աթոռ և Վեհափառ Հայրապետին այցելեցին հայերից և արաբներից բաղկացած Բեյրութի հանձնախումբը, որն իր հետ բերեց ոսկեծուլ մի գավաթ՝ ափյուրքի հայությանն նվերը Երևանի «Արարատ» ֆուտբոլային թիմին՝ նրա փալլուն հաղթանակների առիթով:

Հանձնախմբի կազմում էին Լիբանանի Սին Էլ Ֆիլի քաղաքապետ Հաբիր Հաբիմը, «Արարատ» օրաթերթի խմբագրապետ Ժիրայր Նաիրին, լիբանանահայ հասարակական գործիչ Վահրին Ջերեջյանը, Հայ մարմնամարզական միության վարչության անդամ Սարգիս Ժիրտմյանը, Լիբանանի «Արարատ» մարզական միության նախագահ Պերճ Տեր-Պողոսյանը և այլ անձինք Բեյրութի հայ մարզական կազմակերպություններից՝ գլխավորությամբ Սարգիս Սարգսյանի: Հարգարժան հյուրերին բարեհաճեց ընդունել Ամենայն Հայոց Վեհափառ Հայրապետը: Հայոց Հայրապետի և հյուրերի միջև տեղի ունեցավ հետաքրքիր զրույց՝ շերտ մթնոլորտում:

Փետրվարի 3-ին, կիրակի.—Գ. կիրակի գկնի Ծննդեան.

Այսօր Մայր տաճարում ս. պատարագ է մատուցում տ. Աղան վրդ. Բալիոզյանը և «Հայր մեր»-ից առաջ քարոզում «Լուր, որ-

դեակ, խրատու հօր քոյ, եւ մի մերժեր զօրէնրս մօր քոյ» (Առակ. Ա 8) բնաբանով:

Ս. պատարագին ներկա է լինում Վեհափառ Հայրապետը:

Նույն օրը ս. Հռիփսիմե տաճարում Մայր տաճարի լուսարարապետ տ. Հուսիկ եպս. Սանթրոյանը քահանա ձեռնադրեց լիբանանահայ Մանուկ արկ. Թնգրյանին, որը վեց ամիս հոգևոր ճեմարանում հետևեց քահանայական դասընթացներին: Նորընձան վերանվանվել է տ. Նարեկ քահանա:

Տեր հայրն իր քառասունը Մայր Աթոռում անցկացնելուց հետո, Վեհափառ Հայրապետի կարգադրությամբ հովվելու է Բոմբեյի հայ հավատացյալների հոտը:

Փետրվարի 5-ին, երեքշաբթի.—Այսօր Մայր Աթոռ այցելեցին հյուրաբար Հայաստանում գտնվող Լեռնային Լիբանանի նահանգապետ Համիս Խուրին, Լիբանանի ֆուտբոլի ֆեդերացիայի նախագահ Ջորջ Լուիս Հաբիմը և Լիբանանահայ մարզական կազմակերպությունների նախագահ Սարգիս Սարգսյանը:

Պատվարժան հյուրերին բարեհաճեց ընդունել Ամենայն Հայոց Վեհափառ Հայրապետը:

Հայոց Հայրապետի և հարգարժան հյուրերի միջև տեղի ունեցավ հետաքրքիր զրույց՝ բարեկամական մթնոլորտում:

* *

Փետրվարի 8-ին, ուրբաթ.—Այսօր, Վեհափառ Հայրապետի բարեհաճ կարգադրությամբ, Լոնդոնից ուխտավորաբար ա. էջմիածին ժամանեց Մայր Աթոռի միաբան Վրեժ արկ. Ներսիսյանը՝ մասնակցելու ա. Ղևոնդյանց քահանաների տոնի առթիվ կազմակերպված հանդիսություններին:

Վրեժ սարկավազն ավարտել է Լոնդոնի Բինգս կոլեջի աստվածաբանական ֆակուլտետը և այժմ աշխատում է իր դոկտորական ավարտանաոթի վրա, որի թեման է՝ «Պալիկյան-թոնդրակյան շարժումը Հայաստանում»:

* *

Փետրվարի 9-ին, շաբաթ.—Այսօր, երեկոյան, Վեհափառ Հայրապետի նախագահության ներքո, գումարվեց Գերագույն հոգևոր խորհրդի հերթական նիստը, որտեղ օրակարգում քննարկվեց նաև «էջմիածին» ամսագրի հրատարակության 30-ամյա հոբելյանը նշելու հարցը: Այս առթիվ կազմվեց հոբելյանական հանձնաժողով, որի վրա պարտականություն դրվեց հոբելյանի առթիվ հանդիսությունների կազմակերպումն ու անցկացումը:

* *

Փետրվարի 10-ին, կիրակի.—Դ կիրակի գկնի Ծննդեան.

Այսօր Մայր տաճարում ա. պատարագ է մատուցում տ. Արիս ծ. վրդ. Ծիրվանյանը և «Հայր մեր»-ից առաջ քարոզում ա. Սարգիս զորավարի կյանքի և նահատակության մասին:

Ա. պատարագին ներկա է լինում Վեհափառ Հայրապետը:

* *

Փետրվարի 11-ին, երկուշաբթի.—Այսօր հոգևոր ճեմարանի ուսանողությունը, ճեմարանի տեսուչ տ. Արիս ծ. վրդ. Ծիրվանյանի գլխավորությամբ և դասախոսական կազմի մասնակցությամբ, երկօրյա ձմեռային պլուտյոսի է գնում Ծաղկաձոր:

* *

Նույն օրը, Վեհափառ Հայրապետի բարեհաճ կարգադրությամբ, Վիեննայից ա. էջմիածին է ժամանում Մայր Աթոռի միաբան տ. Գարեգին արք. Ներսիսյանը՝ մասնակցելու ա. Ղևոնդյանց քահանաների տոնին կազմակերպված հանդիսություններին:

* *

Փետրվարի 13-ին, չորեքշաբթի.—Նախատոնակ Տեառնընդառաջի.

Այսօր, երեկոյան, Մայր տաճարում Վեհափառ Հայրապետը, շրջապատված Մայր Աթոռի միաբանությամբ, նախագահում է Տյառնընդառաջի նախատոնակի հանդիսությունը:

Ժամը 19-ին Վեհաբանի այգում բարձրացել էր Տյառնընդառաջի ավանդական խարույկը: Վեհափառ Հայրապետը որոշյալ ժամին, շրջապատված Մայր Աթոռի միաբանության անդամներով և հոգևոր ճեմարանի դասախոսներով ու ուսանողներով, մոտենում է խարույկին և բոցավառում այն՝ ներկաների խանդավառ ծափերի ներքո:

Ուսանողները երգում և ուրախանում են ավանդական խարույկի շուրջը մինչև ժամը 22-ը:

* *

Նույն օրը, ժամը 21-ին, Վեհաբանում, Վեհափառ Հայրապետի ներկայությամբ և նախագահությամբ, տեղի է ունենում միաբանական հերթական հանդիպում, որի ընթացքում խոսք են առնում՝ այդ օրերին ուխտավորաբար Մայր Աթոռում գտնվող Բասրայի հայոց հոգևոր հովիվ տ. Սեպուհի վրդ. Սարգիսյանը, տ. Գարեգին արք. Ներսիսյանը և Վրեժ արկ. Ներսիսյանը՝ ներկայացնելով իրենց պաշտոնավարած համայնքների եկեղեցական-ազգային կյանքը:

* *

Փետրվարի 14-ին, հինգշաբթի.—Տեառնընդառաջ. Տոն քառասնօրեայ գալստեանն Բրիստոսի ի տաճարն.

Այսօր Մայր տաճարում ա. պատարագ է մատուցում տ. Նշան քնն. Բեյլերյանը:

Ա. պատարագին ներկա է լինում Վեհափառ Հայրապետը:

* *

Փետրվարի 17-ին, կիրակի.—Ե կիրակի գկնի Ծննդեան.

Այսօր Մայր տաճարում ա. պատարագ է մատուցում ուխտավորաբար Մայր Աթոռում գտնվող Բասրայի հայոց հոգևոր հովիվ տ. Սեպուհի վրդ. Սարգիսյանը և «Հայր մեր»-ից առաջ քարոզում «Եթե ոք ծարախ իցէ, եկեա-

ցէ առ իս և արբցէ» (Հովհ. Է 37) բնաբանով:

Ս. պատարագին ներկա է լինում Վեհափառ Հայրապետը:

* *

Փետրվարի 18-ին, երկուշաբթի.—Այսօր ուխտավորաբար Մայր Աթոռ է ժամանում Սոփիայի հայոց հոգևոր հովիվ տ. Մեսրոպ քին. Բենիյանը՝ մասնակցելու և Ղևոնդյանց բաժնաձայից տոնին նվիրված հանդիսություններին:

* *

Փետրվարի 22-ին, ուրբաթ.—Այսօր, երեկոյան, գումարվում է Գերագույն հոգևոր խորհրդի հերթական նիստը, որին, Ն. Ս. Օծույթյան հրավերով, որպես անդամ, մասնակցում է նաև ժողովրդական նկարիչ Գրիգոր Խանջյանը:

Նիստից առաջ Վեհափառ Հայրապետը ջերմորեն և սիրով ողջունում է Գերագույն հոգևոր խորհրդի նոր անդամ նկարիչ Գրիգոր Խանջյանի ներկայությունը և մաղթում նրան հաջողություն՝ Մայր Աթոռում իր նոր ծառայության ասպարեզում:

Նկարիչ Գրիգոր Խանջյանը նախապես երկար տարիներ մասնակցել է Մայր Աթոռին առընթեր ճարտարապետների հանձնախմբի աշխատանքներին, իսկ 1968 թվականից նա անդամ է նույն հանձնախմբի:

Այս ձևով համալրվում է Գերագույն հոգևոր խորհրդի աշխարհական անդամների կազմը՝ նախկին անդամ ճարտարապետ Միքայել Մազմանյանի մահից հետո:

Ժողովում խոսք առնելով նկարիչ Գրիգոր Խանջյանին իր սրտագին երախտագիտությունն է հայտնում Ամենայն Հայոց Վեհափառ Հայրապետին՝ այս բարձր պատվի և անդամակցության համար Գերագույն հոգեվոր խորհրդին, և խոստանում Մայր Աթոռում իր հետագա աշխատանքներով արդարացնել հայրապետական բարձր վստահությունը:

Գերագույն հոգևոր խորհրդի մյուս անդամները ջերմորեն շնորհավորում են նկարիչ

ընչ Գրիգոր Խանջյանին որպես Գերագույն հոգևոր խորհրդի անդամի:

* *

Փետրվարի 24-ին, կիրակի.—Բուն հարեկենդան.

Այսօր Մայր տաճարում, փակ խորանի առաջ, ս. պատարագ է մատուցում տ. Գարեգին արք. Ներսիսյանը:

«Հայր մեր»-ից առաջ քարոզում է Վեհափառ Հայրապետը «Ոչ հացի միայն կեցցէ մարդ, այլ ամենայն բանի Աստուծոյ» (Ղուկ. Դ 4) բնաբանով:

* *

Փետրվարի 26-ին, երեքշաբթի.—Այսօր, Վեհափառ Հայրապետի բարեհաճ կարգադրությամբ, Բունենու-Այրեսից ուխտավորաբար ս. Էջմիածին ժամանեց Մայր Աթոռի միաբան Հովհաննես արկ. Գրվիզյանը:

* *

Փետրվարի 27-ին, չորեքշաբթի.—Այսօր, առավոտյան, Մայր տաճարում Վեհափառ Հայրապետի նախագահությամբ սկսվեց մեծ պահոց հատուկ «Կարգ Ապաշխարություն» և Արևագալի ժամերգություններ:

Արևագալի ժամերգության ընթացքում Արևագալի երգերը կատարեցին հոգևոր ճեմարանի սաները:

Երեկոյան Մայր տաճարում պաշտվեց նաև «Խաղաղական»-ի ժամերգությունը:

* *

Նույն օրը, երեկոյան ժամը 20.30-ին, Վեհափառ Հայրապետի ներկայությամբ տեղի է ունենում միաբանական հերթական հանդիպում, որտեղ «Նախանձի պատճառները և հետևանքները» թեմայով զեկուցում է տ. Եզնիկ արքեպ. Պետրոսյանը:

Բանախոսությունից հետո տեղի է ունենում մտքերի աշխույժ փոխանակություն: Ապա Մայր Աթոռի միաբան Հովհաննես արկ. Գրվիզյանը ներկայացնում է Հարավային Ամերիկայի մեր թեմերի եկեղեցական, ազգային, մշակութային կյանքը:

